



CONVENIO DE COOPERACIÓN EDUCATIVA ENTRE A CONSELLERÍA DE CULTURA, EDUCACIÓN E ORDENACIÓN UNIVERSITARIA E A UNIVERSIDADE DE SANTIAGO DE COMPOSTELA, PARA A IMPARTICIÓ N POR PARTE DESTA ENTIDADE DA FORMACIÓ N PEDAGÓ XICA E DIDÁ CTICA PARA IMPARTIR DOCENCIA NAS ENSINANZAS DE FORMACIÓ N PROFESIONAL

MEMORIA XUSTIFICATIVA

Eu, como director xeral de Educación, Formación Profesional e Innovación Educativa da Consellería de Cultura, Educación e Ordenación Universitaria,

DECLARO:

Que a Consellería de Cultura, Educación e Ordenación Universitaria (en diante, a Consellería) formalizou coa Universidade de Santiago de Compostela (en diante, a USC) o instrumento convencional arriba referido por un período de vixencia que abrangue desde o 1 de setembro de 2017 ata o remate do curso académico correspondente, mentres este curso de posgrao propio figure nos plans de estudos da USC.

Que o instrumento convencional ten por obxecto fixar os termos de colaboración entre a Consellería e a USC para organizar o recoñecemento e certificación dos estudos ofertados por parte da USC para impartir a formación equivalente á formación pedagóxica e didáctica esixida na LOE, para aquelas persoas que por razóns derivadas da súa titulación, non poidan acceder aos estudos de máster regulados pola [Orde ECI/3858/2007](#), pola que se establecen os requisitos para a verificación dos títulos universitarios oficiais que habiliten para o exercicio das profesións de profesor, entre outras, de formación profesional, nos centros sostidos con fondos públicos na Comunidade Autónoma de Galicia.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional que se asinou fundaméntase no seguinte:

A [Lei orgánica 2/2006, do 3 de maio, de educación \(LOE\)](#) establece que para impartir ensinanzas de formación profesional se esixirán os mesmos requisitos de titulación e formación establecidos para a educación secundaria obrigatoria e o bacharelato, é dicir, será necesario ter o título de licenciado, enxeñeiro ou arquitecto, ou o título de grao equivalente, ademais da formación pedagóxica e didáctica de nivel de postgrao, de acordo co disposto no artigo 100 da citada lei, sen prexuízo da habilitación doutras titulacións que, para efectos de docencia puidese establecer o Goberno para determinados módulos, logo de consulta ás comunidades autónomas. Establece, así mesmo, que para exercer a docencia nas diferentes ensinanzas reguladas nela, será necesario estar en posesión das titulacións académicas correspondentes e ter a formación pedagóxica e didáctica que o Goberno estableza para cada ensinanza, e que lles corresponde ás administracións educativas establecer os convenios oportunos coas universidades para a organización da formación pedagóxica e





didáctica indicada.

A Orde ECI/3858/2007, de 27 de decembro (BOE do 29 de decembro), establece os requisitos para a verificación dos títulos universitarios oficiais que habiliten para o exercicio das profesións de profesor de educación secundaria obrigatoria e bacharelato, formación profesional e ensinanzas de idiomas

A Orde EDU/2645/2011, do 23 de setembro, establece e regula a formación equivalente á formación pedagóxica e didáctica esixida para aquelas persoas que estando en posesión dunha titulación declarada equivalente para efectos de docencia non poden realizar os estudos de máster.

O Real decreto 592/2014, de 11 de xullo (BOE do 30 de xullo) regula as prácticas académicas externas dos estudantes universitarios.

A Consellería pretende que aquelas persoas que posúan unha titulación declarada equivalente para efectos de docencia e non poidan acceder aos estudos de máster regulados polo Orde ECI/3858/2007 poidan realizar o curso obxecto deste convenio para poder impartir docencia nos termos previstos na normativa vixente.

A USC imparte un título propio denominado 'Curso de especialización en formación pedagóxica e didáctica do profesorado técnico de formación profesional' (en diante, Curso de especialización), aprobado polo Centro de Posgrao con data 5 de maio de 2017, que se axusta integramente ao programa recollido na Orde EDU/2645/2011, do 23 de setembro.

A USC é a única institución que imparte, como título propio, o curso denominado 'Curso de especialización en formación pedagóxica e didáctica do profesorado técnico de formación profesional', polo que non resulta posible promover a concorrência pública para a súa realización.

E para dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estimo xustificado o recurso á sinatura do instrumento convencional que se pretende, con exclusión doutras figuras, asino dixitalmente esta memoria, en Santiago de Compostela, na data indicada na sinatura.

